



國家清史編纂委員會·文獻叢刊

清代詩文集彙編

國家清史編纂委員會·文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 四七〇

白鶴山房詩鈔三卷風鷗集一卷 徐熊飛撰

前溪風土詞一卷 徐熊飛撰

六花詞一卷 徐熊飛撰

白鶴山房詩選四卷附挂笠吟一卷 徐熊飛撰

白鶴山房詩續選二卷 徐熊飛撰

白鶴山房駢體文鈔二卷白鶴山房駢體文續鈔二卷 徐熊飛撰

白鶴山房文鈔五卷 徐熊飛撰

應試詩賦鈔二卷 徐熊飛撰

茗香堂詩集四卷茗香堂詩補遺四卷茗香堂外集八卷 王家相撰

鐵橋漫稿十三卷 嚴可均撰

水西閒館詩二十卷 程虞卿撰

一

四三

五一

六三

一三九

一七一

二六三

三五—

三九五

五九五

七三五

白鵠山房詩鈔
清素堂藏板

白鵠山房詩鈔序

白鵠山房詩吾友武康徐雪廬作也雪廬爲人醇謹有節槩長身玉立如鸞鶴峙其詩清壯兀異奔有唐宋人之長而自爲抒袖幼孤貧客授海上邵子雨家得脯脩養母娶陸氏亦能詩生子及女已而妻女俱器困阨特甚然其詩益工受知阮雲臺秦小峴兩先生稱爲浙西人文之冠友人爭就予寫其詩爲稽式乃亟搜篋中所錄投梓以問世雪廬詩集甚富此特少作之什一耳窺豹一斑亦猶唐人之行卷也夫

吳昶石鈞序

昔歐陽公歎梅都官詩謂窮而後工而後人見公卿大夫有善詩者遂以爲詩不必窮而亦工是未知窮者之工固別有在也平時有感情無聊鬱勃不可制之氣方且薄霄漢橫古今無一足當其意而凜凜焉有以自持不使之亢厲而驕不使之昧沒而弱不使之畔援歆羨或伎或求以失其所守亦不使之逃元入虛悻悻自好以害其所思平其氣使之和而正約其辭使之微而婉躊躇四顧以夫爲不得已之言而所謂工者乃非摹擬彷彿之所可及自世之論者曰漢魏曰六朝曰唐曰宋此其迹也而非其所以迹曰

格律曰體裁曰章曰句此其工也而非其所以工以此言詩固不必窮者之所獨然而詩三百篇大抵聖賢發憤之所爲作也則皆謂之爲窮人之詩可也吾友徐雪廬其所處甚窮而勤於詩去其家數百里遠客海上凡所見山川草木鳥獸蟲魚及古今來羈臣棄妻畸人逸事之可歌詠者皆以寄其旅愁別恨蒼茫交集之致而又於其所欲言者不必盡言所難言者皆能善言是能以窮愁貞其性者也吳門石君遠梅爲刊數卷以行余以雪廬之爲詩蓋言其所欲言非欲以較工拙於紬黃配白中者以余之深於雪廬也

序

二

不可不代明其旨以告人故爲之推本其窮而後工之由如此辛亥仲春平湖鍾晉序

題辭

雪廬子爾不見地薄薄天蒼蒼川之流山之峙日月二十八宿之光芒在人則心肝腎腸與地天通爲文章雪廬子衣無褐盜無糧不知寒與餓朝吟暮吟聲琅琅近誦宋元明遠宗漢魏唐元氣披兩大心兵遊八荒行年未三十才力尤堅強刺金金亦虧刺石石亦虧何況竹簡大半蟬魚藏轟鏗喬皇滿篋盈箱文淵鯨學林虎世上兒子不見慣紛紛走且僂僂者或

用故謗傷雪廬子高着眼自命千古以詩昌五色飛孔雀千仞翔鳳凰龍精一出匣奕奕耀鋒銍猥獻蓬萊宮不在牛斗傍雍容纂述下視班與揚作爲雅頌音以配周魯商有此大手筆乃合天文地文同其光慎勿放身道遙水一方騷人逸事非所將雖奉好聲名所得終可量君不見前朝二鬼相頡頏勲業制作史冊俱輝煌子也作歌慨以懷雪廬子讀罷浮一觴庚戌仲春德清蔡夢熊

題辭

三

王霸論縱橫鬼神談幻變鉅典羅掌故瑣事揆諛諂獻酬愜輿情快踰當暑扇君才百倍我而顧謂我善函詩每相示心折目生眩森如衆星羅豔比嬌女倩躍冶金已青剖璞玉不琢蕭條逆旅中披讀氣陡健自茲往還密不殊鍼在線君來或宵分我過恒東旦僧房餐共鉢伎席坐同薦泛舟凌清茗攝衣登蒼弁別蘇摩殘碑弔古拜荒窳道遙山水間浩歌白石爛謂當應時需共展垂天翰聚散恒不常十年譬激雷秋風藏鷓鴣門春日白蘋館相逢笑脫帽相別悲扼腕終焉被天厄無能解客難君仍蘆中釣我猶柳下餌

今年重盍替握手各悽惋同來青豆房雜華弄紅茜
並坐話酸辛憂喜兼慶唁老親盡垂白甘旨缺供饌
而我俱風塵失意長貧賤叩門吏索租遠屋兒啼纍
餽贈希友朋稱貸望親串年年役有司辛苦磨蟻旋
低頭學新婦聞呼背泱汗月旦徒紛紜得失兩欺謾
鉛刀思剗割何時遂微願不如百夫長決勝期一戰
或從靖海氛或從平苗叛微功幸可邀風雲生顧盼
胡爲守遺經坐使成羈絆河清縱可俟人壽誰益算
言終幾號咷已復笑發榮天氣何佳哉流光正清晏
一生幾兩屐出門任攀踐罷亞平疇禾蕭颯秋社燕

題辭

四

露蟬尚吟風木葉已墜片即趣趣不違放情情自遠
隔巷簫吹飴當戶女織絹叢祠瞻名賢荒吟采芳蔭
貫酒保挈壺款寺僧開殿充饑羨折角消渴瓜剖辨
遂出古城闌夕烟暮寒向纍纍皆陳人短碣土半填
想當不死時情欲理莫遣至今白楊路蓬蒿狐兔窟
誰與覩陳人一觴歲澆奠平生悲憤腸對此雪見睨
長橋亘虹梁憑高試遐眎羣山勢迴互清溪馳足練
俊鶻盤秋空輕鷗戲沙行時有老漁師鳴榔出葭葦
觸賞足自怡歷覽隨所眷世事徒龍蠖孤抱執鵬鷲
連朝喜同堂忽忽又雨散臨歧記殷勤貽我錦繡段

我正傲歸裝遠征未遑翫弃之黃竹箱恰伴典衣券
歸途情懷惡風雨更驕悍繫纜古湖濱菰蒲聲四呬
蜩縮烏蓬底匹若失羣鴈燒燭把君詩一讀一回歎
明晨舍舟楫籃輿一肩喚山行四十程到家日已肝
腹中時怍怍當食不能飯擁被卧蒙頭彷彿猶異縣
夢覺聞黃雞東曦早穿慢瘦妻具晨餐濕薪煮菘菹
登牀快朝飽何異飲河龜茅堂西南山山翠如潑澗
短几橫窗前兀兀磨破硯冥摻事瑣碎歌斜書滿卷
將以持寄君緘札羽未便還望東武亭哀來淚如霰
丙辰季秋故郭吳應奎

題辭

五

雪廬徐子才雄奇詩歌獨出冠一時十年假館湖之
涓我適汗漫東西馳未得把臂常追隨往往咫尺同
天涯有時邂逅談心期文豹一斑管中窺竭來贈我
數卷詩老饕如獲齋房芝桃燈快讀張吾頤口流沫
分手生肌衆體娟妙無瑕疵七古沉雄瑰麗尤多姿
追逐供奉與拾遺次亦眉山蘇氏之餘支天風海濤
氣淋漓揮斥象罔驅熊羆偶彈別調騁妍詞靡顏膩理
神爲移君才八斗過陳思文采風被宗工知會上金
門步玉墀雲間吐氣驚羣兒我昔少壯氣未衰一囊
有作聊自怡祇今媿情人共嘆臣精銷亡鬢如絲觀

此奇特徒愕眙駑駘安足當鞭笞吾門高朱亦不羈
快如天馬來西陲掉鞅詞壇比壘荒未逢大敵樹鼓
旗君才突兀遠過之天上麒麟復何疑往常促膝持
一卮勗君無以科名為古稱不朽豈浪垂文章經濟
惟所施報國何計資崇卑蹉跎莫使霜侵髭君言此
語銘心脾知己鏃厲何敢辭感君意氣不吾欺老懷
頓覺雲霧披恨無金管相贈貽賤子有筆鈍如推平
湖屈何煥

題辭

六

白鵠山房詩鈔卷一

武康徐熊飛雪廬

送石遠梅釣

異林同春異卉同芳前有尊酒奉君一觴銀河橫天
有爛其光我不得渡子心孔傷今夕何夕美人滿堂
秋風入林明月夜光未顏半配吹簫鼓簧曰有佳客
避不樂方雄劍出匣陸離其英同心之言可以永臧
翮彼南雁其羽宵行麋鹿在野浮雲故鄉采采蒨葦
駕言褰裳申章結佩永矢弗忘

徐雪廬詩鈔

卷一

十一

天門開

天門開紫霞爛揚朝光瞻復旦搖金支激飛電祥飈
馳赤虹炫三辰五緯咸昭光二十八宿明煌煌皇帝
萬壽民樂康衣被草木皆蕃昌天門轟然北斗旁景
星含譽當中央

割耳謠并序

千戶某漕運卒於道子尚幼殮時妻李氏割
一耳置千戶手以矢從一之志詩人感焉作

割耳謠

駿馬不易鞿琇弓不改弦兩心并一心曠妾與君同

出門君為蒼松枝妾為女蘿根長橋短橋租運船千里萬里行隨君運船有程期運河之水流濺濺朝為君補衲襠暮為君蠟馬鞭衲襠水雪光結以紅羅巾馬鞭春柳香刻以蟠螭紋不惜妾辛苦奉君心所歡君為王事死妾亦不獨存妾不獨存君所知君有孤兒誰見憐妾心有如日照天長不昏板君腰下刀割妾一耳流血殷留妾此身撫孤兒寄妾此心傍君魂船頭何搖搖搖搖丹旒翻中夜不敢哭風露衣裳草去時雙立飛虎旗歸來明月照一棺典妾寶釵與明鏡為君歸葬東南山墓旁留一穴弗使孤兒藏其間

徐雪廬詩鈔

卷一

二

待妾撫孤作千戶從君索耳來黃泉

種菱篇

種菱北堂背其葉何參差作花滿庭陰光彩紛葳蕤中夏時雨歇好風東南吹芳香不敢采對此有所思憶我出門日山厨斷晨炊老母御刀尺親為縫裳衣十年在天涯故鄉夢見之薇蕘不結實衰哉寒與飢萱草日以長吾親日以衰誰云可忘憂淚下不能揮

燕燕篇

燕燕尾涎涎啣泥不辭僕我有同懷弟離別隔鄉縣登高采木實辛苦不可憚菟絲畏人攀麋鹿畏人見

作書付鯉魚游泳到江甸我欲答素書淚下被顏面舉頭望故鄉浮雲遠留聽安得白華田與子共貧賤

楊花辭

楊白花飄去落誰家深宮無人春日暖亂點隨風碧窻滿翡翠簾前芳草香鴛鴦池上游絲轉紫燕雙雙語畫梁楊花漠漠斷人腸得沾翠袖寧嫌薄化作浮萍不憶鄉楊花無根復無蒂金窻繡戶重重閉可憐拋擲道傍塵可憐零落樓頭淚美人聯臂下高臺宮樹宮花滿眼栽萬一楊花念楊柳飛揚還過大江來

烏夜啼

徐雪廬詩鈔

卷一

三

城烏啞啞月色苦屋角殘星落如雨美人織錦未停梭獨對寒燈愁不語夢魂夜夜向金微玉容憔悴減光輝烏聲漸稀霜漸重千里良人歸不歸

企喻歌

金刀玉鹿盧日日對刀拜拔刀尋仇人雪花如斗大

其二

小姑娘將嫁人日日弄脂粉烈士將出門夜夜刀作枕

其三

身為游俠客不識邯鄲倡刀頭美人血長帶臉脂香

蟋蟀吟

牽牛花開秋露滋草根蟋蟀鳴聲悲高樓少婦減顏色
 含情含怨將告誰碧天無星雁行遠關山蕩子行
 不歸昔時門前楊柳樹祇今撩亂從風飛蟲聲切切
 一何苦助妾窻下鳴機絲下階獨立望河漢黃姑織
 女遙相期行人辭家怨秋色江有扁綠山燕支調砧
 挾杵向風露象林織手縫裳衣衣成含涕不寄遠恐
 君見此傷別離君為山頭之明月妾為山下之菴苑
 柔腸寸寸為君斷庭前蟋蟀當知之

悲絡緯

淒淒復淒淒絡緯當秋啼黃昏斷人腸三更沾人衣

徐雪廬詩鈔

碧窻無風星月皎佳人歛眉待清曉微霜在野木葉
 零行人不歸秋色老悲絡緯何不平重門深鎖
 寡儔侶碧梧金井難為情鷓鴣難復嘒寒蟬無好聲
 東方未明河射角繁音歷亂那可聽悲絡緯我心良
 獨苦伊威在室蛩滿堂夜如何其月當午

空倉雀詠

田中粟不盈斗空倉雀滿庭走從雀誰孤與狸竊爾
 食解我饑狸尾長雀舌短彈以丸不分散北風凜凜
 黃雲開狸耶雀耶聲淒哀鷄子來鷄子來

古意

雌雷不成雨含晴那能說石上種芙蓉馬有好顏色

江南弄

江南風日香靡蕪碧如剪美人畫雙蛾捲簾春浪軟
 愁思粧閣悔短夢遼西遠柳絲麗霞風天斜小桃含
 笑初作花日暮箏絃卸銀甲一雙蝴蝶落誰家

春波曲

南風送春潮水鳥東西渡溪上碧桃花開到門前路
 桃花不言芳溪水不言長陽春桃葉節燕啄芹泥香
 妾家花滿樓郎家水平岍窓外紅闌干連連不可斷
 昨日春水淺今日春水深凝粧對明鏡懊惱傷人心

徐雪廬詩鈔

卷一

五

將進酒

我有萬古意磊落不可平西遊欲登峩嶺舉頭長
 嘯凌天門呀然半空豁罡風吹落長庚星手持
 天杓酌天酒坐着大地青煙生安能歲歲守章句吟
 哦抱膝如蒼蠅

園林三月東風溫游蜂蛺蝶來紛紛美人折花倚檻
 立臨水照見蛾眉痕蛾眉雖工眾女妬羊車不到門
 前路世間反覆能幾時昨日新人今日故尊中有酒
 不盡飲明月已挂西南樹

山田嘆

山田犂确不可耕黃蘆苦竹參差生鑿山通渠山土
瘠農父帶刀耕峭壁山上多沙下多石一寸禾根石
上植蒼天不雨蚊蝗多誰擊赤手攀天河
炎風苦霧山嶢嶢上田下田禾黍焦山中一月斷泉
脉舊時溝隴今蓬蒿山氓擔水過山麓汲水灌田泥
漉澆荆榛有刺茅有根樹頭老鴉飢啄人

舉舉曲并序

舉舉者括蒼良家女也適身匪人驅作當壚
婦拒馮子都之挑者數矣有宣城估以百金

徐雪廬詩鈔

卷一

六

解姑乃於靜夜偽為夫狀襲之及覺袖金篋
自刎其喉繼得靈藥續命仍不死其後姑與
夫浸潤勸諭遂倚門強笑歌楊枝金縷之曲
然非其心也客有歸自東甌者見其金訶茶
外常圍以繡帕雖盛夏未嘗暫離偏視之創
痕宛然因悉其事本末吳太史雲作舉舉曲
以哀其遇予亦和此

括蒼山色芙蓉綠絕代佳人在空谷當門一樹斷腸
花昔日曾為匣中玉生長蓬門竹遠籬舉舉小字火
人知雖非四姓名家女亦具千秋傾國姿雙鬟綽約

蛾眉淺鏡檻春風嫩鶯轉落花飛上水紋縷金線滿
窓寒不剪丁字簾前易夕陰良宵拜月獨沉吟不願
藏身金屋貴願求夫婿兩同心桃花開盡蕪蕪長鴉
媒無信音塵與阿母偏貪一斛珠嬌娥合入千絲網
豆蔻梢頭烏夜啼青蘆灘馬驕嘶可憐碧玉婵娟
子嫁作邯鄲所養妻牽牛烟碎明河轉絡緯鳴秋風
露滿新婦空憐手爪長阿姑只厭霜纒短尋常驅使
坐當壚就我金盃膾鯉魚翠籠不隨秦氏女青銅頻
却霍家奴三春桃李容華瘁黃雀東來燕西去珍珠
紅滴夜光盃盡是舉舉暗中淚柳葉雕鞍白鼻駒何
來上客送豪奢錯將溪畔傷心樹認作筵前解語花
游絲拂地看輕薄百鎰黃金買姑惡雌烏得意翼翻
翻雄兔穿林脚撲胡夢覺驚心非故大窓開了烏夜
聞呼紅蕖不道風波險壁月那堪濁水汙林前襟亂
雙蓬鬢淚珠點滴紅生暈判將性命殉姿容五寸金
篋劃粉頭殘燈無韻晃流蘇血凝深閨紫綺襦九死
定應昭白日寸心不獨怨狂且游蜂遊跡深林黑斜
月穿窓照魂魄前生餘孽未全消靈丹救得花枝活
慈姑善說妙因緣能使貞心一旦還香草忽連平野
霧浮萍可憶在山泉從此凝粧風幔底黃鸝咬蝶窺

徐雪廬詩鈔

卷一

七

蛾眉淺鏡檻春風嫩鶯轉落花飛上水紋縷金線滿
窓寒不剪丁字簾前易夕陰良宵拜月獨沉吟不願
藏身金屋貴願求夫婿兩同心桃花開盡蕪蕪長鴉
媒無信音塵與阿母偏貪一斛珠嬌娥合入千絲網
豆蔻梢頭烏夜啼青蘆灘馬驕嘶可憐碧玉婵娟
子嫁作邯鄲所養妻牽牛烟碎明河轉絡緯鳴秋風
露滿新婦空憐手爪長阿姑只厭霜纒短尋常驅使
坐當壚就我金盃膾鯉魚翠籠不隨秦氏女青銅頻
却霍家奴三春桃李容華瘁黃雀東來燕西去珍珠
紅滴夜光盃盡是舉舉暗中淚柳葉雕鞍白鼻駒何
來上客送豪奢錯將溪畔傷心樹認作筵前解語花
游絲拂地看輕薄百鎰黃金買姑惡雌烏得意翼翻
翻雄兔穿林脚撲胡夢覺驚心非故大窓開了烏夜
聞呼紅蕖不道風波險壁月那堪濁水汙林前襟亂
雙蓬鬢淚珠點滴紅生暈判將性命殉姿容五寸金
篋劃粉頭殘燈無韻晃流蘇血凝深閨紫綺襦九死
定應昭白日寸心不獨怨狂且游蜂遊跡深林黑斜
月穿窓照魂魄前生餘孽未全消靈丹救得花枝活
慈姑善說妙因緣能使貞心一旦還香草忽連平野
霧浮萍可憶在山泉從此凝粧風幔底黃鸝咬蝶窺

羅綺有時對鏡訴春愁
照見香痕白獺髓君不見芍
藥磯頭水碧波紅顏薄命古來多
楊花欲住東風急
冶葉倡條奈爾何

古謠

却月芙蓉刀纏以五色組
山雞憐孔雀同是好毛羽
新製百襖覆青紅與碧綠
泥金粧傀儡馬能伴郎宿

流螢詞

秋風吹落隋家苑紫繡苔花滿
金殿佳人白骨長不朽
化作流螢夜深見天河不動
明星低壁月無色莎
雞啼千秋冷敲還自照三十六
宮生黃泥草根露濕

徐雷廬詩鈔

卷一

香魂苦慘淡幽光
楓林雨青螢數點下雷塘
湖水聲沉白楊語

送邵子雨

至杭州兼寄吳鑑湖鵬

去年鴻雁來戎鼓錢塘
檝今年鴻雁去君作杭州客
杭州接秀州江上幾重樓
春風莎草綠一一蜻蜓舟
扁舟下中泚鴛鴦飛不己
何處最傷心一片西湖水
湖水碧如紗亭臺一帶斜
游絲不著地開滿櫻桃花
桃花間楊柳直到青山口
時節近清明日日應沽酒
酒醒水平橈黃鸝啼過橋
飛花滿天地堤上坐吹簫
簫聲條已暮指點西泠渡
燕子東西飛舊日題詩處

處處可憐春歸時繫釣輪
好攜蘭渚客來作采芳人
閒居同外舅陸畊南先生夢求作

積雨忽成晴西村水雲白
幽人子桑扈半畝蓬蒿宅
疎樹欲遮門青苔上墻壁
茅茨花影亂風窸露山脊
不見采蘭人相思遠天碧

春雨

客愁斷還生春雨止復作
林花一何多昨開今日落
榮華爭一瞬歲月忽蕭索
寧為隨陽雁不作棲林鶴
雁鳴思故鄉鵲飛求稻梁
稻梁不易得故鄉那可忘
春雨連日夕東風無已時
孤禽向誰飛鳴聲樹頭悲

徐雷廬詩鈔

卷一

江漢無津梁雲木何參差
一與故人別夢寐常合離
離合那可道寸心如芳草
昨日雨中生今朝雨中老

東湖報本塔同馬山人

危城壓崩濤湖天豁然開
浮圖水中央五級高崔嵬
金繩碍日月碧柱雕玫瑰
層層界闌楯步步消氛埃
我舟隨天風琉璃浩成堆
聳身歷霄漢足底飛春雷
遠山忽開張遙見潮頭來
瞬息暗天地轟轟為之摧
先民既零落碑碣迷荒萊
空餘舊亭館野鳥聲淒哀
手攜碧山翁長笛紫雲迴
吹起滄海月流照金銀臺
宿竹林菴懷邵童溪游

僧房桂樹青雲影在空翠無風花自香寂歷得禪意
山空天早寒鐘定月西墜風泉度遙嶺石髮冷平地
荒徑百蟲喧圓蒲一僧睡入山君有期采藥我先至
飛夢落遙天涼秋千里思

偕周生如春讀書竹林菴月夕舍弟熊詔攜酒
來尋露飲松樹下

松風吹我衣山月照我尊松月兩瀟灑曠然忘主賓
酒盡興未已花落頭上巾溪水如碧玉其下多紫鱗
洗盞酌明月蟾蜍不可吞天邊酒旗星化為三老人
就我飲風露醉倒南澗濱

徐雷廬詩鈔 卷一
吳秀才 同遊秀巖山

作客忽歸來終朝與山遇茅茨萬峯頂飲食飽山氣
客來南澗濱招手看紅樹杖觸石門雲衣沾藥苗露
秋光盪遙野流水引禪悟望望不逢人猿聲滿溪路

谷橋

飛流截奔厓斷橋橫谷口危蹊轉山脚信步入林藪
水石幻空明羣峯列前後鳴壩舉雉橋翼飲澗鹿求友
我行桃始華我歸日在柳兒童忙耕稼父老具盃酒
平生走江漢勞苦無不有溪水引歸心人家放雞狗
寒花秋滿烟茅栗大如斗行歌橋上頭臨風一搔首

楊和王墓

封山龍蟠空禹山虎踞地高高楊王墳豐碑塌屬龜
宋室中興年江淮起烽燧惟王著勛名功在韓岳次
河山撐半壁血戰良不易賜葬妥英魂靈風颯旗幟
迄今五百年人事幾更廢大木摧為薪黃腸出幽隧
我行覓遺踪叢徑入空翠獨立不敢呼恐有虎狼睡

過峴山

湖雲忽遮山天水相吞吐維舟斷厓下落木風吹雨
樵徑不涿人必蟲樹根語

秋日舟中

徐雷廬詩鈔 卷一

秋來一月兩湖水浮青天我從山中至天上搖輕船
船頭風露下披柁空明間飄然大布裘尚帶蒼山煙
為客十二載風景幾變遷沙鳥與我熟飛舞蓬窓前
襟心已消歌毛羽揚清妍我未脫世網對之多厚顏
便欲挹黃犢耕種東湖田

禾中三布衣詩

馬澤山成 平湖人 詳字皆 極工 尤精六法

懷中崑山壁到老無人見風塵五十年流光疾於箭
昨登大龍湫天漿滌石研丹青隨手為煙霞千百變

南宗久寂寞不絕維一綫五岳起胸中灑向東川絹

平生與俗迥閉戶樂貧賤杖履招不來雲山鬱葱蒼

吳竹香筆燈

嘉興人隱於寶博綜羣籍著有讀史竄述及詩文集

奇士在人間如匱韞珠玉寶氣不可藏餘輝耀人目

延陵吳季子扁舟太湖曲船頭載芳薈船尾裝卷軸

蓬窓祝鼻吟煙波蕩空淥斯人古來稀往返逐樵牧

布裘不掩骭飄然謝榮祿別來歲又暮遠山水壓谷

何處訪遺文莫釐峯下宿

朱雅山鍾

平湖之乍浦人刻意為詩境出風露

我懷朱齡石中歲絕塵鞅海角涵樵漁柴門風水响

徐雪廬詩鈔

卷一

十一

新詩天骨秀冥搜極無象古琴彈清風萬物颯秋爽

知音不可遇適興每孤往去年柴溪陰招我同打槳

歡遊愆良期即物愜幽賞朝來風雪淒梅花映林莽

閒居忘顯晦習靜悟消長相待采靡蕪琴高薦春網

雪中懷鍾七哥

一夜朔風寒長空雪花大寒色擁孤村風簷奏虛籟

平生堅強性不作望塵拜素筆朝遊梁鼓刀夜入蔡

迷方虎為鼠失意蕭變艾歸夢越重嶼寒聲落江介

南村多舊侶夫子清狂最文章出根柢議論失芥蒂

龍性不可馴鳳翼有時鍛好趁玉梅開來尋剪燈會

邵上舍西田丙舍

連山生夕陰村深竹雞語溪風度喬木新綠滴成雨

纖月洗林壑泉聲落衡宇遙夜坐懷人山涼墮松鼠

祥里村望

春雨送桃花春塘亂煙竹西疇碧如水數里一茅屋

短笛不聞聲溪童飲黃犢

聞雞寄邵五河

殘星羅青天太白光炯爍荒雞時一鳴萬籟方寂寞

羈人夜無寐取酒成獨酌壯心忽飛揚寶刀露芒角

英雄在泥塗千金重然諾結交得其人寸心自可託

徐雪廬詩鈔

卷一

十一

念我同懷友相望隔林薄飄然大布衣意氣何歷落

我志在萬里浮雲視好爵惟君憫其狂天懷共披豁

江湖飛白鷗野田有黃雀何以持贈君雙環珠絡索

自雲岫山至北山草堂故居

連峯揀青天崇厓忽中劈深藏太古雲冥冥畫昏黑

我來陟幽箐巖洞杳難測行行穿藤蘿步步踏虎跡

哀湍向人飛長松立山脊攀躋不辭勞一蹶裂心魄

自從走風塵行旅慘顏色歸來歷奔峭繭足不得息

千盤板地底石路轉逼仄哀猿空中啼鍾乳有時滴

欲隨麋鹿去深畏豺狼匿入山悲風號出險斜陽赤

先人留做廬把酒淚沾臆

秋日家居

籬根蜻蛚鳴白露淒已降落景亂山中秋
瓜茅屋上故鄉多樵漁清響發高唱溪明魚鳥樂
稻熟雞豚放采采白華田閒居負青嶂

王江涇

飛飛原上烏啣彼桑下土長橋駕春虹
篙師爭渡語昔聞楊完者勁旅集豺虎據此
破淮張猛氣馳風兩狂焱燔白屋明駝載
婦女至今漁樵人尚凜兵烽苦川原易陳迹
水市通商估家家新酒香綾梭應柔榜

徐雪廬詩鈔

卷一

十四

山抵天平兼尋下白雲洞

繫纜青楓根看山白石路人交爨煙雞聲竹中度
林巒媚秋爽節序感新故溪雲淡不流籬花寒欲吐
崇岡引西嶺樹色莽迴互飛蘿裊空巖山鬼睇寒霧
行行就遙岑尋途日將暮
微陽亂空翠山色搖青蓮嵐氣滴成雨漠漠蒼松煙
我攜綠玉杖乘興追飛仙翩彼兩白鳥翔舞崇邱巖

白鶴山房詩鈔

蒙慮一以息延眺皆清妍欲招赤松子來種葛蒲田
白雲釀泉源秋響滴巖洞下有金光草神仙帶雲種
入門石氣青松鼠竄梁棟憲誼竹籟繁庭暗蘿陰重
空香從何來冥心與之共天花不著我無勞梵聲諷

獅子林

奇峯指掌收探幽入山腹雲根昧昏曉一步一側足
登道緣青冥石故撓之曲陡絕不可通飛橋暗中伏
仰攀枯藤枝漸就隔林屋崩崖攫人來奮怒走平陸
初如蟻穿珠既若雉登木勢將凌高邛忽復墮深谷
逶迤陟奔峭屏障屢迴複松根蟠蚪蛇石角觸眉目
徐雪廬詩鈔 卷一 十五
得非鬼斧劍疑是地維縮浮屠多技能設此狡獪局
九華納壺中須彌藏一粟孤亭翼而張向背駭瞻矚
秋風時一鳴巖洞應笙筑狡貌瞰法界龍象運寒玉
天洩造化機山靈應夜爨

天平山同石遠梅鈞王柳村聯作

風定松猶喧日斜山已暝修林抱迴岡夕吹起遙嶺
良友與名山歡然成合并情因繾綣深趣為林泉永
徘徊古屋下月出羣峰靜寒翠滿衣裳聞鐘萬綠屏
幽人結山緣尋途忽已到秋游不愆期清賞由物召
霜落松杉明了見巖嶠石林貝葉香竹隴盡眉呬

萬籟本希聲寸心歸寂照藉草坐忘還潺湲答清嘯

懷金手山學遊

具區秋水明山光隱煙霧江楓紅欲然是子門前路
握手金闈亭徘徊望塘兔碧天風露高陽鳥向南度
泠泠綠綺琴金徽寓心素吾意在滄浪愁思感遲暮
山山積冰雪寒色生林邱別君歲月晚離思無時休
美人拾翠羽名士揚松舟朝遊采香溼夕宿黃篾樓
盈手握三秀延佇多煩憂容華不可即天末江波流
鯉魚江上來素書八行字言君向燕關依人佐書記
長途足冰雪行旅苦不易淮聲岱色中迢迢引征騎

徐雷廬詩鈔

卷一

十一

枯琴難獨賞濁酒易成醉南北共相思文章有真契

贈石遠梅

兩美必有合高義世所希念子抱明鏡渺渺湖之湄
涼秋木葉降白露沾裳夜華予惜光景雜珮以要之
芳洲碧波遠杜若含新涼明月隨君來聽我寡女絲
古意方寂寞良為知音悲

裊裊松梢藤籬離山上木寸心一相傾行路亦骨肉
昔我采芙蓉從君渡空綠秋思結綢繆別意傷哀曲
豈無眾芳艷不若孤生竹莫以旨酒甘而忘井泉
相思遠如期白駒在空谷

白鷓山房詩鈔卷二

武康徐熊飛雪廬

村居贈婦

東湖四月桑柘肥春鳩拍拍枝頭飛柴門終日俯煙
水野風吹亂紅薔薇閨中有人謝膏沐遠山相對蛾
眉綠蒿簪野服若為愁手淪清泉然苦竹紅塵飛不
到門前茅屋終朝斷爨煙坐聽狂夫歌五噫斷雲斜
日最堪憐

送邵瓶齋游之蘇州

徐雷廬詩鈔

卷一

十一

太湖日暖煙水長君去沿流打雙槳水村山郭舊相
識落盡桃花春鳥響長亭高下不見人湖雲漠漠連
天昏游絲落絮水邊路青蕪紅藥江南春江南三月
春可憐綠楊城郭迷朝煙鏡中蛟蝶舞成隊水上鴛
鴦飛入船船頭載酒香風送笙笛參差覺船重處處
紅闌鎖碧窓家家珠箔酣春夢虎印煙樹拂雲高鷓
市人稀畫寂寥送客片帆橫野渡看山一棹出長橋
橋邊直接靈巖路山下棠梨落無數花塢松杉佛屋
鐘夕陽金粉梧宮樹玉殿重樓呼暮鴉當年歌舞落
誰家遊人輦路尋香跡老衲山門汲井華君不見琴

臺高高在雲表霸業銷沉春色老賜劍鑄金誰是非
麋鹿來遊碧山曉

仙人篇贈王柳村

仙人意氣凌滄洲振衣天末之飛樓大江西來數千
里煙波日夜窓中流乘雲追風結遐想落日倒景空
巖幽素琴彈清商石上風颺颺明月出江水白鶴聲
相求碧桃參差已成實一開一落三千秋飄然從風
下吳會有時倒鞍黃金虬太湖三萬六千頃化為美
酒浮糟卽仰攀斗柄對天酌醉來不脫青貂裘笑謂
安期生為我彈箜篌飛泉無聲紫霞夕西風落葉驚

徐雪廬詩鈔

卷二

二

法華山望太湖同吳秀才應奎

昔我振衣穹窿顛太湖浮出東南天今從吳興望笠
澤湖光依舊空濛間上有千林之長煙下有萬壑之
飛泉仙人乘風拂雲霧七十二峯搖金蓮法華山頭
秋雨響滿目雲山落吾掌人間何限不平事物外一
株筇竹杖吳郎貧居出入愁芒鞋獨上高山頭望湖

亭邊一相遇側身俯仰乾坤秋是時煙雨半未收木
葉滿地松颺颺藤蘿遠掛石梁影鈴鐺自鎖空中樓
風從何來浩呼湧洞庭兩山相對聳芳洲杜若秋水
亂天外行舟布帆重驛騶苦瘦士苦貧有足不許離
風塵癡肥狂瘦果誰是仰天長嘯天應聞湖山憎我
不得意復遣浮雲蔽空翠鐘聲一杵從天來鷓鴣在
林鶴在地

同邵子兩對宿山寺觀燒

木葉落盡山蒼然風晴鷓鴣盤青天江鄉十月罷農
事村舍遠近鳴烏鴛故人招我入林去荒逕百折東

徐雪廬詩鈔

卷二

三

舉田遠山行歌足不倦松栢十丈流飛泉岡頭佛屋
壓山破紅牆綠柱紛相連入門洗足深夜卧星斗爛
漫臨窓前道人忍報山燒發攬衣同上青山巔長虹
怒飛幽谷底一片騰出空林煙迴颺亂捲赤龍立電
光疾掃朱蛇懸紅輪馘鳥互出沒影入空翠爭盤旋
雷公長驅爆山骨丁女振彩行珠斡燔毛燎血舞零
亂千尺遙見紅雲旃狐狸跳跟木客遁黃蘆苦竹空
芊綿迴岡斷壑不可阻餘燒化作空中蓮吾生奇氣
負亦頗對此便欲成高騫天風吹人立不定山頭笑
拍洪崖肩歸來一枕北窓夢鐘聲敲斷人間緣

海上尋朱稚山

潮聲隆隆暮煙薄
 濤頭飛過青山脚
 寄奴古城雲不開
 驚沙連天風色惡
 故人結屋碧山頂
 閑意下見魚龍影
 簷前古松十圍大
 閉門落落春日靜
 山南山北多野梅
 我昔訪君花正開
 草堂日飲三百盃
 舊時香霧紛在眼
 離情茫茫歲月催
 山中白鶴不諧俗
 我復對之真奇哉
 左攜鐵笛右銅斗
 與君重醉涵空臺

商山四皓奕碁圖

商山四老人
 高帝不能致
 太子在青宮
 招之等兒戲
 我疑留侯出奇計
 優孟衣冠定其事
 不然四皓已鴻

徐雪廬詩鈔

卷二

四

舉與人家國
 復何意
 風吹長陵一杯土
 商山如龍欲飛舞
 英雄遺叟兩寂寞
 畫圖仿佛鬚眉古
 泉聲潄潄溪路長
 遠山曲折通石梁
 上有幽竹羅平岡
 四人圍碁坐相對
 耳邊寂歷松風香
 浮雲隨風去不息
 石上靈芝光五色
 在山不奉明主詔
 豈肯為人作羽翼
 黃石素書精入神
 董公奇策叩馬陳
 漢家舉事多老人
 姓名一種垂千春
 入宮天子駭顏色
 何人能辨偽與真
 君不見赤松仙人不問世
 意態自是無懷民
 何必出而圖吾君

饑民歎并序

淮泗荒旱饑民乞食於吳
 吳僕莫之救焉徐子傷之作饑民歎時壬子冬日也

哀鴻西向雲東徂
 饑民滿野聲悲呼
 母從子走妻尋夫
 小車班班行塞途
 天寒踈踈雁為伴
 白日照地蓬根枯
 見人不敢掩面
 嗷北風吹決寒侵膚
 淮南米價如珍珠
 清晨無食衣無襦
 渡江南來苦晝短
 野塘步步行相扶
 江南風景天不如
 高門大屋連通衢
 華堂貼地紅氍毹
 修蛾曼睩陳笙竽
 叩門乞食主人怒
 指揮健僕驅其徒
 朱門酒肉有餘臭
 汝曹自合沉溝渠
 城狐狃狃兔矍矍
 嗟爾何處求朝哺

徐雪廬詩鈔

卷二

五

寒夜行

歲云暮矣人未歸
 寒宵凍合霜華飛
 窓前的皚星斗大
 素月出海光入幃
 短檠三尺對書卷
 袖襟燒盡爐煙微
 里人行歌夜擊柝
 時聽山犬嘯荆扉
 夜長如年睡不得
 起看樹影當階移
 庭空木落鶴巢見
 亂葉滿地風吹衣
 終年著書苦搜討
 藜藿不救臣朔飢
 入冬連夕風雪作
 晨餐槁死荒山薇
 有田可種安忍出
 即抱黃犢扶春犁
 飢寒憂患厲人性
 窮達有命吾何疑
 寸心耿耿不成夢
 雞鳴鐘動生朝暉

為吳鑑湖鵬題沈石田畫